



Pou Piblikasyon Imedya: 29/11/2022

GOUVÈNÈ KATHY HOCHUL

GOUVÈNÈ HOCHUL ANONSE FINANSMAN ISTORIK ZÈV ATISTIK POU ANREJISTRE KANTITE ATIS AK ÒGANIZASYON YO

***Yo te bay prèske 45 milya dola sibvansyon nan kad 340 milyon dola san
presedan nan sipò eta a pou zèv atistik nan bidjè ane fiskal 2023***

***Fonde sou anons Gouvènè Hochul 32 milyon dola nan sibvansyon yo te bay
mwa pase a***

Jodi a, Gouvènè Kathy Hochul te anonse 45 milyon dola sibvansyon atravè Konsèy Eta New York pou Zèv Atistik (New York State Council on the Arts, NYSCA) la. Atravè yon nivo rekò finansman eta pou zèv atistik, sibvansyon sa yo pral sipòte plis pase 1,200 òganizasyon atistik ak 426 atis pandan y ap retounen nan nivo kapasite ak kreyasyon anvan pandemi an.

"Pandan plizyè santèn ane, atis atravè mond lan te rele New York lakay yo akòz kilti, divèsite, ak kreyativite nou", **Gouvènè Hochul te deklare**. "Inovasyon yo alimante ekonomi nou an, endistri touris nou an epi sante ak byennèt kominote nou yo, epi angajman istorik ane sa a pral ankouraje rekiperasyon k ap kontinye apre pandemi an epi ouvri wout pou yon avni ki pi solid".

Sibvansyon Sipò pou Òganizasyon yo pral bay 38,452,500 dola pou 1,214 gwoup atistik ki gen ladan mize, pwogram atistik vizyèl, òganizasyon edikasyon atistik, ak konpayi mizik, dans ak teyat. Sibvansyon Sipò pou Atis yo pral bay 4,260,000 dola pou 426 atis. Sibvansyon Opòtinite Espesyal yo pral bay 1,737,450 dola pou sipòte apranti zèv atistik popilè pou atis endividyèl, espas repetisyon ak estidyo pou atizay espektak ak rezidans atizay espektak. Yo te bay lòt finansman pou sipòte patnè kominotè Eta a nan sibvansyon.

An 2021, NYSCA te revize estrateji finansman li yo pou pèmèt plis aksè nan finansman zèv atistik atravè eta a epi li te rekòmande sipò li bay atis yo. Kòm rezulta, NYSCA te ogmante finansman li pou atis yo nan 400 pouzan epi li te bay sibvansyon pou 83 pouzan premye aplikan yo.

Gen yon lis konplè atis ak òganizasyon ki te resevwa sibvansyon yo isit la.

Nan mwa oktòb, Gouvènè Hochul te anonse 32 milyon dola pou 1,032 òganizasyon ki gen ladan patnè kominotè eta a nan sibvansyon, patenarya nan zèv atistik ak òganizasyon atistik yo atravè Eta a. Bidjè rekò sibvansyon NYSCA a gen ladan 140 milyon dola pou ane fiskal 2023, plis yon lòt 100 milyon dola nan finansman kapital sou plizyè ane pou fasilité pwojè kapital a gran echèl ki bay priyorite ak devlopman kominotè ak amenajman. NYSCA toujou ap aksepte [aplikasyon pou fon pwojè kapital yo](#) jiska 12 janvye 2023. Bidjè ane fiskal 2023 a gen ladan tou yon ekspansyon 100 milyon dola kredi enpo pou Teyat Mizikal Vil New York la ke Empire State Development administre.

Direktè Egzekitif Konsèy Zèv Atistik Eta New York la, Mara Manus, te deklare, "Nou rekonesan anpil anvè Gouvènè Hochul ak Lejislati Eta nou an pou envestisman istorik yo fè nan zèv atistik. Nivo finansman san parèy sa a ak efò kontinyèl NYSCA pou ogmante aksè nan zèv atistik te mennen nan yon kantite benefisyè rekò. 1,200 sibvansyon nan tout eta a pral pote sipò enpòtan pou travayè kreyatif ak òganizasyon atistik tout gwosè. Nou konnen ke, atravè sibvansyon enpòtan sa a, Nouyòkè yo ak vizitè nou yo pral eksperimente dirèkteman benefis mezirab envestisman sa a nan sektè atistik la pou plizyè deseni k ap vini yo".

Prezidan Konsèy Zèv Atistik Eta New York la, Katherine Nicholls, te deklare, "Nan non Konsèy la ak aplwaye nou yo, mwen vle eksprime rekonesans nou bay Gouvènè a ak Lejislati a pou nivo finansman zèv atistik san parèy sa a. Yon kontribitè pisan nan ekonomi nou yo ak byennèt nou, òganizasyon atistik ak atis yo esansyèl pou kwasans nou ak pwosperite nou. Mwen kontan dèské nou kapab sipòt kreyativite yo ak inovasyon yo kòm yon pati nan rekiperasyon pandemi nou an pou zèv atistik".

Senatè Eta Jose Serrano te deklare, "Atis yo pote enèji ak enspirasyon nan kominote nou yo. Mwen bat bravo pou efò NYSCA ap fè pou sipòt plis travayè esansyèl sa yo ansanm ak yon kantite rekò òganizasyon atistik nou yo atravè eta a. Youn nan pi gwo resous New York, zèv atistik ap kontinye pwospere avèk sipò istorik sa a".

Manm Asanble Daniel O'Donnell, te deklare, "Nouvo rekò enpresyonan sa a pou NYSCA konfime pouvwa zèv atistik atravè New York. Antanke Prezidan Komite pou Devlopman Touris, Pak, Zèv Atistik ak Espò, mwen rekonesan pou sipò kòlèg mwen yo nan lejislati a ak Gouvènè Kathy Hochul pou travay yo pou ogmante finansman pou zèv atistik nan Eta nou an. Mwen felisite NYSCA pou siksè yo te genyen pou pote sipò enpòtan sa a bay plis aplikant, sa ki pèmèt yo pote finansman esansyèl nan kominote yo atravè eta nou an".

Enfòmasyon sou Konsèy Eta New York pou Zèv Atistik lan
NYSCA prezève epi fè avanse sektè atistik ak kiltirèl yo ki fè Eta New York gen yon plas eksepsyonèl pou viv, travay epi vizite. Konsèy la defann dwa tout Nouyòkè pou eksperimente kontribisyon ki vital ke zèv atistik yo fè nan kominote, edikasyon, devlopman ekonomik, ak kalite lavi nou. Pou sipòt rekiperasyon zèv atistik k ap kontinye nan Eta New York, NYSCA pral akòde finansman rekò nan ane fiskal 2023 a, sa k ap bay sipò nan tout aspè zèv atistik.

NYSCA ap fè kilti kreyatif New York la pwogrese lè li atire lidè nan domèn nan epi bay opòtinite devlopman òganizasyonèl ak devlopman pwofesyonèl ak resous enfòmasyon. Kreye pa Gouvènè Nelson Rockefeller an 1960 epi kontinye avèk sipò Gouvènè Kathy Hochul ak Kò Lejislatif Eta New York lan, Konsèy la se yon ajans ki fè pati Branch Ekzekitif la. Pou plis enfòmasyon sou NYSCA, tanpri vizite <http://www.arts.ny.gov>, epi swiv paj Facebook, Twitter [@NYSCArts](#) ak Instagram [@NYSCouncilontheArts](#) NYSCA yo.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418